

改爲儋耳郡。唐初改爲昌化。乾元中復稱儋州。宋改稱宜倫，明洪武二年，復改爲儋州。清代因之，至民國仍稱儋縣。

由上觀之，儋縣之得名，遠在土著蠻人繁殖時代，而自漢族南移之後，亦在二千年以上，則其歷史之悠久幾爲全省其他各縣所不及。即此一端，儋縣之名已具有特殊的及重大的歷史意義矣。至謂「字義費解」，則按前條攷證，音義出處均鑿鑿有據。曷云費解？若謂「意義不妥」，則或嫌儋字源出瞻耳黎族爲不雅。竊以爲此儋有歷史價值之名稱，正是典雅之極，殊不覺其俗。況凡一個專名，無論其爲人名或地名，其本身專名即成特殊意義，不必他求，即以吾粵省治地點「番禺」二字論之，其得名之由，僅據城中兩小山，試問當作何解釋？又有何特殊意義？再以省名「廣東」論，其命名之歷史，原係取今兩廣交界之廣信地名（今封川）之一字而劃分東西兩省，其意義只此而已，非謂土地區域之廣大也。凡此名稱，固不能以雅俗範疇定之，亦不能判爲妥與不妥也。

至謂紀念先賢先哲及更新文化，則流庸謫宦，白北徂南有功教者代有其人，且遍地皆有，而道德文學忠義節烈士又何縣無之？若一一藉此改名，則潮安可改退之縣，新會可改獻章縣，增城可改甘泉縣，南海可改子壯縣，東莞可改家玉縣，……豈非欲求更新反致紛亂乎？而况坡公所到之地非僅儋縣；倘惠陽亦踵起效尤，又將何從解決耶？從前香山之改名中山，實緣國父推翻帝政創立民國，豐功偉蹟，與天無極。其他各縣固不容仿倣，亦不必仿倣。所以從前有人提議改花縣爲秀全縣，以紀念太平天國倡義者，亦遭省政府之否決而罷。總之，約定俗成謂之名。今以二千餘年之地名，忽以不充分理由而輕易更改，徒使現代舉國舉世之人多費記憶，容易淆亂，復使後世讀史者又多費考查，實是無謂無益的政治舉動耳。

文獻消息

鍾榮光博士歸葬嶺大

三十六年一月七日，嶺南大學故校長鍾榮光博士歸葬之期。六日下午二時先在博濟醫院開祭。七日運銅棺回康樂嶺大。下午，在懷士園開追悼會，先由胡繼賢訓育長講述先生生平。校董會代表金曾澄先生，教職員代表李應林校長，美基會代表香雅各博士，同學總會代表簡又文先生，學生會代表莫少寧先生等次第致敬詞。最後宣讀各方誄文。既畢，乃舉引行至校旗卜梁發墓旁安葬。吾粵一代大教育家遂永息于嶺大校園。

附錄本館誄辭（集文選句）

國尚師位（皇太子釋奠詩）

寶賴夫子（馬汧督誄）

弱冠厲翼（夏侯常侍誄）

朱丹其轂（解嘲）

何寤夫子（王仲宣誄）

慨然歎曰（夏侯常侍誄）

說時則異（陶徵士誄）

入侍帝闈（夏侯常侍誄）

收朋勤誨（郭有道碑）

嗟彼東夷（王仲宣誄）

爰取其旅（漢功臣頌）

容體長歸（夏侯常侍誄）

表墓旌善（馬汧督誄）

悠悠遐風（漢功臣頌）

履清是鍾（王仲宣誄）

何去何從（夏侯常侍誄）

疏爵紀庸（陽給事誄）

變色易容（夏侯常侍誄）

道固不同（夏侯常侍誄）

不隘不恭（陶徵士誄）

誕應天衷（郭有道碑）

匪我求蒙（夏侯常侍誄）

禮案舊宗（王文憲集序）

有此武功（漢功臣頌）

隸幽告終（陶徵士誄）

有來斯雍（元皇后哀策）